

## Sakspapir

Sakshandsamar	Arkiv	ArkivsakID
Sveinung Toft	FE - 131, TI - &13	15/712

Saknr	Utval	Type	Dato
087/2016	Formannskapet	PS	19.09.2016
070/2016	Kommunestyret	PS	28.09.2016

### Kommunedelplan for fjellheimen villreinområde - slutthandsaming

#### Vedlegg:

Journalposttittel	Dato
plankart, vedteke	28.06.2016
Temakart_Vedteke	28.06.2016
Villreinplan 2016-2027, vedteken	28.06.2016
Vedtaksbrev	29.06.2016

#### Rådmannen sitt framlegg til vedtak:

I medhald av plan og bygningslova § 9-1, vedtek kommunestyret framlegg til interkommunal kommunedelplan for Fjellheimen villreinområde med plankart og temakart.

Det vert vist til vedlegg i saka.

#### Saksopplysningar:

##### Bakgrunn og fakta:

Kommunane Vik, Aurland, Høyanger, Modalen, Vaksdal og Voss har i fellesskap utarbeida eit framlegg til ein interkommunal kommunedelplan for Fjellheimen villreinområde. Planarbeidet har fått tilskot frå Fylkesmannen i Sogn og Fjordane og Hordaland. Planområdet omfattar og areal i Masfjorden kommune, og saka vart difor i 2015 oversendt Masfjorden kommune til handsaming for offentleg utlegging. Formannskapet i Masfjorden kommune drøfta saka og gjorde vedtak i møte den 01.12.2015, sak 141/2015 om å leggja framlegget ut på høyring.

Planframlegget har no vore utlagt til offentleg ettersyn i dei respektive Kommunane. Det er innkomme totalt 15 merknader til planframlegget, og desse er no innarbeidd i endeleg framlegg til plandokument sjå vedlegg. Voss kommune har hatt

sekretariatfunksjonen for planarbeidet, og har oppsummert merknadane til planframlegget på vegne av dei andre kommunane.

Det er no eit siktemål at kommunane no gjer likelydane vedtak av planen. Vedlagde kommunedelplan er alt handsama og og godkjent i Vaksdal, Høyanger og Voss kommune.

Formålet med planarbeidet er å sikra villreinstamma gode levevilkår i eit langsiktig perspektiv.

Fjellheimen villreinområde har eit teljande areal på ca. 1700km<sup>2</sup>. Vesentlege deler av villreinområdet er verna etter naturvernlova som landskapsvernområde. Stølsheimen landskapsvernområde ( 367 km<sup>2</sup>) vart oppretta i 1990, og Nærøyfjorden landskapsvernområde ( 576 km<sup>2</sup>) vart oppretta i 2002. Resten av arealet er i hovudsak avsett som LNF- område i dei ulike kommuneplanane i området. Unntak er reguleringsplan for Voss Fjellandsby i Myrkdalen og nokre område for hytteutbygging i Vik kommune. Målet med villreinstamma er å oppretthalda ein vinterbestand på ca 500 dyr. For å klara dette må ein sikre leveområdet og levevilkåra på ein god måte.

### **Planavgrensing og planframlegg**

Planarbeidet tok utgangspunkt i teljande areal for villreinstamma slik den er omtala i bestandsplan for Fjellheimen villreinområde ( areal over skoggrensa - her definert til kote 700 moh ). Omsynssona omfattar med nokre unntak alt areal over kote 700. Område vest for Modalen/ Norddalen som og inkluderer arealet i Masfjorden kommune er i planen definert som randsone til villreinområdet.

I kap 8.1 i planframlegget er det foreslått føresegner som gjev denne planen status over gjeldande planar dersom det er motstrid mellom desse. I kap 9 er det gjeve retningslinjer for ulike område i planen. I kap 9.4 er det eigne retningslinjer for randsområda (gjeld m.a. for Masfjorden kommune).

### **9.4. Retningslinjer omsynssone (OM560\_2) randsområde til leveområde For villrein, jf PBL §11-8c**

*Omsynssona ligg inn mot vestre deler av Fjellheimen Villreinområde. Omsynssona har LNF- formål og omfattar alt areal over kote 700. Føremålet med omsynssona er å ta vare på potensielle leveområde for villreinstamma i Fjellheimen.*

- Nye større tiltak i området skal vera heimla i reguleringsplan.*
- Villreinnemda skal ha høve til å gje uttale til alle søknader om reguleringsplanar/dispensasjon før avgjerd.*

### **Stølsområde**

*Stølsbus og andre bygningar for utmarksnæring i landbruket kan oppførast i stølsområdet når det ligg føre eit dokumentert behov, og bruken er i samsvar med plan- og bygningslova sitt landbruksomgrep. Nybygg og ombygging/vøling bør vera tilpassa lokal byggeskikk og tradisjon i stølsområda både i form, dimensjon og materialbruk.*

### **Landbruksvegar**

*Det bør ikkje byggjast nye landbruksvegar eller oppgraderast eksisterande vegar i villreinområdet. Landbruksvegar bør vera stengd med bom, og bør berre nyttast til landbruksformål.*

### **Fritidshus**

*Det bør ikkje gjevast dispensasjon til frådelling eller oppføring av nye fritidshus utanfor område som er avsett til byggeformål i godkjende planar. Etter ei nærare vurdering kan det gjevast dispensasjon til utviding på inntil 15 m<sup>2</sup> BRA på eksisterande hytter. Det bør ikkje opnast opp for meir enn ei utviding pr. fritidsbustad.*

### **Kraftutbygging og kraftliner**

*Ved opprusting/vedlikehald av eksisterande kraftanlegg bør ein nytta eksisterande veganlegg. Ved ev. vilkårsrevisjon for gjeldande konsesjonar i planområdet bør omsyn til villrein vurderast på nytt.*

Planframlegget inneheldt i tillegg føringar for vidare planarbeid og forvaltning, samt eit handlingsprogram for perioden 2016 til 2019.

### **Vurdering**

Det aktuelle fjellområdet i Masfjorden ligg i kommuneplanen sin arealdel også som LNF-område med føresegnar som avgrensar bygging som ikkje er knytt til stadbunden primærnæring. Planframlegget som no ligg føre, vil om det vert godkjent, i mindre grad medføra endringar av status for området, sidan det alt er omfatta av avgrensingar i kva som kan opnast for av tiltak. Det nye vert at alle planar/ tiltak i dette fjellområdet må vurderast opp mot kva konsekvensar dei vil kunne ha for villreinen, og at villreinnemnda også skal kunna uttale seg. Kommunane i villreinområdet bør vedta ein felles plan, som sikrar lik handsaming over kommunegrensene. Planen bør og legge til rette for brei medverknad frå ulike interessegrupper slik at konfliktnivået i området vert minst mogleg.

Det er Masfjorden kommune som planmynde som avgjer kva status dette planarbeidet bør få vidare innanfor kommunen sine grenser. Ved å godkjenna planen som ein interkommunal kommunedelplan i medhald av plan- og bygningslova sin § 9-1 vil det leggja juridiske føringar for forvaltning av areala innanfor planområdet. Kommunedelplanen vil då verta det overordna planverktøyet for kommunane i forvaltninga av villreinstamma i heile dette store fjellområdet, jf. plankartet.

### **Konklusjon**

Rådmannen rår til at interkommunal kommunedelplan for Fjellheimen villreinområde 2016 – 2027 vert godkjent i medhald av plan- og bygningslova sin § 9-1.

### **Formannskapet - 087/2016**

**FS - behandling:**

Ordfører Karstein Totland (H) orienterte kort og saka vart drøfta.

Framlegg til vedtak vart samrøystes tilrådd til kommunestyret.

**FS - vedtak:**

I medhald av plan og bygningslova § 9-1, vedtek kommunestyret framlegg til interkommunal kommunedelplan for Fjellheimen villreinområde med plankart og temakart.

Det vert vist til vedlegg i saka.

**Kommunestyret - 070/2016**

**KS - behandling:**

Ordfører Karstein Totland (H) orienterte kort.

Framlegg til vedtak frå formannskapet vart samrøystes vedteke.

**KS - vedtak:**

I medhald av plan og bygningslova § 9-1, vedtek kommunestyret framlegg til interkommunal kommunedelplan for Fjellheimen villreinområde med plankart og temakart.

Det vert vist til vedlegg i saka.